



Kangiqlihidjut

Anaqtautit kuvirarviini Munaridjutit Tiibiirnirmun Nunavunmi

Taima TB, havaqatigiikhutik Kavamatkut Nunavunmi, Nunavut Tunngavik Inckullu. (NTI) ukualu Ottawami Aanniaqvik Ihivriurukkut Havagvia, havaligtait talimani-ukiuni ihivriuruit naunaijaamingnik nutaamik havauhighamik ilituqhainirmun aanniarutiniktailinirmun Tiibiimik (TB) Nunavunmi.

TB aulahimaatumik anginirhakkut aanniaqtailinirmun ihumaaluutit Nunavunmi, ajuqhautigilualiqtaat Inuinnait inugiangnirit. Ajuqhautigijait amigaitilaangit TBiiniurup aanniarutaa hamani Inuit Nunangat avatqumajuq 400 amigaitilaanga angitqijaujuq inuinnaungituni inuit Kanadami.

TB halumailruata aanniarutaa qalakuqtitibluni, kidjangniq, umuami aumaalukniq, aalanin mihingnautinin. Anginirhakkut hiamitiqtaaqtuq aanniarutauqjualunilu mamihagtaungitkumi. Inuit piqaqtut takunaitumik TBiiniurup aanniarutaanik takunangitullu mihingnautait qajangnautiqtaqtut aulanianun TBiiniq, aghuungnaqhibluni maihaijutaa.

Ihuaqtut TBiiniirnirmun mamihaidjutit piinialgit, kihimi naunaijaidjutit tapkununga kitut mamihagtaujariaqaqtut ajungnarniaqtut aanniarutaa aularutijaarami mihingnautaitumik hivuani ingataqtinagu hiamitiliqlunilu inungnun. Tadge upautidjutit naunaijaidjutinun inungnik TBiiaqaqtut Nunavunmi aktungnikkut naunaijainikkut ihuaqhaiblutikluuniin tatqirhiutikkut-hivitunii nunallaat-tamaani ihivriurukhinikkut. Hapkua ihivriuruit ihariagijaqaqtut nunallaani ilaujunun iniqtiqlugit vnniningmun uuktuutit, qalangnik uuktuutit, iksuliiqhiniqkullu. Anaqtautit kuviraaviini munaridjutit ikajuutaujut turaangadjutinun nunallaami-tamaani ihivriurukhinikkut aghuurutit humi ihariagijauluaqtut.

Anaqtautit kuvirarviini munaridjutit ilaujut uuktuqhimaahugit anaqtautit kuvirarviini aanniarutinik halumailrunikluuniin hunat takunarniaqtut anarni quqniluuniin aanniarutiqaqtut inuit. Talvanga aularutaanin qalagjuarnirup COVID-19 aanniarut nunaquami, anaqtautit kuvirarviini munaridjutit aghuunaqtuq ikajuutighaq munarijaangani aanniarut hiamitiqtaaqtuq Kanadami avatiinilu nunaquap, kihimi ikitut ihivriuruit havaktauhimajut anaqtautit kuvirarviini uuktutit TBiiniirnirmun

Una naunaijaut, maniliqtuqtaujuq hapkunanga Canadian Institutes of Health Research ukualu NTI kut, turaangajuq qiniqhiadjutit piqarungnaqhiniirmun anaqtautit kuvirarviini munaridjutit naunaijaqhugit aannialaqitailiniirmun hiamitirnira TBIiniq Nunavunmi.

Kangiqhittiarumaguvin TBIiniirmun naunaijautillu, takulugu <https://taimatb.tungavik.com/>.